



*Senin, 22 April 2024*  
**Ogen: Kejadin 2:15-17**



Ngusahai ras njagai doni



**M**ungkin pernah si begi kerna cerita "The man who stopped the desert" e me Yacouba Sawadogo. Telu puluh tahun dekahna ia menghijaukan gurun gersang i Afrika Barat. Carana sederhana ras nukah. Ikalina lubang-lubang kitik alu sekop, iisi kompos, emaka itanam bibit pohon millet ras sorgum. Ia dungna berhasil mengubah gurun jadi hutan seluas 30 hektar alu 60 jenis batang pohon.

Ibenaken arah ekosentris, lingkungan hidup e me alam enda, taneh, lau, kerangen, deleng-deleng, dung sie lit me biosentris, makhluk hidup eme tumbuh-tumbuhen ras rubia-rubia emaka terakhir reh me antroposentris, manusia si jadi punca penciptaan langit ras doni bagepe isina.

Asum manusia ditempatken i peken Eden, ibereken sada tanggung jawab eme ngusahai ras njagai doni enda. Peken Eden jadi *pilot project* Dibata segelah manusia banci pentar guna ngkelola karya ciptaanNa. Lalap mpertimbangken dampak lingkungan, meminimalken kecedaanna, janah la mengeksploitasi sumber daya alam e. Emaka gundari ibenaken arah antroposentris (manusia) guna merawat biosentris (makhluk hidup) bagepe seh ku ekosentris eme doni enda. Kita selaku manusia me kunci ibas kiniulin doni enda. Kita eme wakil Tuhan guna njagai ras ngusahai doni enda. Doni enda eme sikerajangen Tuhan janah doni enda eme rumahta. Adi rumahta ceda, me labo sikap siakap? Tentu perlu si pekena-kena gelah sikap si akap ngianisa ras tading ije. Kita labo pemilik doni enda, kita terjeng pengelola si dungna denggo arus ertanggung jabab man si Madasa. Emaka tep-tep tanggal 22 April irayaken me hari Bumi guna ngingetkensa banta maka penting guna njagai planet si luar biasa enda. Subuk ibas kota bagepe si tading ibas kuta, kita kerina banci ngusahai ras njagai wilayah, lingkungan si enggo ipercayaken Tuhan man banta. Bahanlah pemeliharaan nandangi doni enda jadi sada pengataken bujur man Tuhan nandangi planet si mejile enda, si jadi rumahta ras-ras.